

Անան՝ որդի Աբգարու՝ թագաւորեաց
 յԱղեւսիաց. և Սանատրուկ՝ քեռորդի Աբ-
 գարու՝ թագաւորեաց յարեւելս ամս 1 :
 Սա հաւատաց ՚ի քարոզութիւնն առաքե-
 լոյն թաղէոսի, և դարձեալ եթող զհա-
 ւանն և սպան զսուրբն թաղէոս և զՍան-
 դուխտ դուստրն իւր վկայուհին, որպէս
 գրեալ կան ՚ի ճառս իւրեանց :

Արուանդ՝ ամս 1. որ էր յԱրշակունի
 կնոջէ : Սա սպան զորդիան Սանատրկոյ.
 շինեաց զՍան և զՆադարան և զանտառ-
 անասնոց՝ վասն որսոյ և զքօսանաց, և
 սպանաւ ՚ի զօրացն Արտաշեսի :

Արտաշէս՝ որդի Սանատրկոյ՝ ամս 10 Ա :
 (սա) սպան զԱրուանդ և ինքն թագաւո-
 րեաց. շինեաց զԱրտաշատ քաղաք՝ ուր
 խառնին Մեծամօր և Արասիս, և փոխեաց
 ՚ի նմա զգեղեցկութիւնն Արուանդեայ քա-
 ղաքին : Յաւուրս սորա լեռնային և դաշ-
 տային մարդ անգործ ոչ գտաւ յաշխարհն